

大乘莊嚴經論無著菩薩造 大唐天竺三藏波羅頗蜜多羅譯	瑜伽師地論科句披尋記卷第三十五 彌勒菩薩說 唐三藏沙門玄奘奉詔譯 韓清淨科記 本地分中菩薩地第十五初持瑜伽處種性品第一
大乘莊嚴經論卷第一 種性品第四	菩薩地₂ 丁一、結前生後 如是已說獨覺地。云何菩薩地？ 丁二、廣辨一一₂ 戊一、普攝學果₃ 己一、標釋 品類₂ 庚一、總標₂ 辛一、喩柁南 喩柁南曰：初持次相分 增上意樂住 生攝受地行 建立最為後 辛二、長行 有十法具攝大乘菩薩道及果。何等為十？ 一者、持，二者、相，三者、分，四者、增上意 樂，五者、住，六者、生，七者、攝受，八者、 地，九者、行，十者、建立。
	庚二、別釋₃ 辛一、初持攝₂ 壬一、總釋持名₄ 癸一、出體₂ 子一、徵 云何名持？ 子二、釋 謂諸菩薩自乘種性、最初發心，及以一切菩提分 法，是名為持。 癸二、釋義₂ 子一、徵 何以故？
丙二、種性品三 丁一、廣分別性位二 戊一、總舉種性差別 釋曰。已說歸依義。次說種性差別。偈曰 有勝性相類 過惡及功德 金譬與寶譬 九種各四種 釋曰。種性有九種差別。一有體。二最勝。 三自性。四相貌。五品類。六過惡。七功 德。八金譬。九寶譬。如是九義一一各有 四種差別。此偈總舉。餘偈別釋。	子二、釋₃ 丑一、種性持 以諸菩薩自乘種性為依止故、為建立故，有所堪 任、有大勢力，能證無上正等菩提，是故說彼自 乘種性，為諸菩薩堪任性持。 《披》云何名持等者：持謂任持，謂大菩提，為 自種性、最初發心，及以一切菩提分法所任持故。 體雖不同，而義是一。由隨彼體等量不壞是持義 故。
	丑二、發心持 以諸菩薩最初發心為所依止、為建立故，於施、 戒、忍、精進、靜慮、慧，於六波羅蜜多，於福 德資糧、智慧資糧，

	《披》於施戒忍精進靜慮慧等者：調能破裂慳吝、貧窮，及能引得廣大財位、福德資糧，故名為施。又能息滅惡戒、惡趣，及能取得善趣、等持，故名為戒。又能滅盡忿怒、怨讎，及能善住自他安隱，故名為忍。又能遠離所有懈怠、惡不善法，及能出生無量善法令其增長，故名精進。又能消除所有散動，及能引得內心安住，故名靜慮。又能除遣一切見趣、諸邪惡慧，及能真實品別知法，故名為慧。又此六種，於諸世間聲聞、獨覺施等善根最為殊勝，能到彼岸，是故通稱波羅蜜多。義如攝大乘論說。（攝大乘論二卷二十四頁）又此六種正修行時，能為無上正等菩提真實資糧。資糧有二，調福及智。福攝三種波羅蜜多，一、施波羅蜜多，二、戒波羅蜜多，三、忍波羅蜜多。智唯一種波羅蜜多，調慧波羅蜜多。精進、靜慮波羅蜜多，應知通二分，一者、福分，二者、智分。義如下說。（陵本三十六卷五頁 2916）如是當知，施等體雖是一，望義不同，是故此中差別宣說。
	於一切菩提分法，能勤修學，是故說彼最初發心，為諸菩薩行加行持。 《披》於一切菩提分法者：顯揚論云：覺分有眾多，最初三十七。如彼長行廣釋應知。（顯揚論二卷十頁）
	丑三、覺分持 以諸菩薩一切所行菩提分法為所依止、為建立故，圓滿無上正等菩提，是故說彼一切所行菩提分法，為所圓滿大菩提持。
	癸三、遮簡 2 子一、簡無種性 住無種性補特伽羅，無種性故，雖有發心及行加行為所依止，定不堪任圓滿無上正等菩提。由此道理，雖未發心、未修菩薩所行加行，若有種性，當知望彼而得名持。
	子二、簡不發心 又住種性補特伽羅，若不發心、不修菩薩所行加行，雖有堪任，而不速證無上菩提；與此相違，當知速證。

	癸四、異名 又此種性，已說名持，亦名為助、亦名為因、亦名為依、亦名階級、亦名前導、亦名舍宅。如說種性，最初發心、所行加行，應知亦爾。
己三、自性二次說種性自性。偈曰。 性種及習種 所依及能依 應知有非有 功德度義故 庚一、四種自性四 釋曰。菩薩種性有四種自性。 一性種自性。二習種自性。三所依自性。四能依自性。彼如其次第。復次彼有者。 辛一、性種自性 辛二、習種自性 辛三、所依自性（性種） 辛四、能依自性（習種） 庚二、有非有 有，因體有故。 非有者。果體非有故。 庚三、明性 問若爾云何名性。 答功德度義故。 度者出生功德義。由此道理。是故名性。已說種性自性。	壬二、別顯持義³（初持瑜伽處^{十八}） 癸一、種性持（即種性品）⁶ 子一、安住種類別² 丑一、標二種類 云何種性？調略有二種。 一、本性住種性，二、習所成種性。 丑二、釋二義意² 寅一、辨義² 卯一、本性住種性 本性住種性者，調諸菩薩六處殊勝有如是相，從無始世展轉傳來，法爾所得，是名本性住種性。 《披》六處殊勝等者：聲聞地說：附在所依，有如是相，六處所攝。從無始世展轉傳來，法爾所得。又說：如是種子，非於六處有別異相。即於如是種類、分位、六處殊勝，乃至廣說是故當言墮一相續。（陵本二十一卷二頁 1811）其義應知。 卯二、習所成種性 習所成種性者，調先串習善根所得，是名習所成種性。 寅二、明意。 此中義意，二種皆取。
戊二、別釋種性差別九 此中先分別有體。偈曰。 由界及由信 由行及由果 由此四差別 應知有性體 己一、有體四 釋曰。種性有體由四種差別。一由界差別。二由信差別。三由行差別。四由果差別。 庚一、界差別 由界差別者眾生有種種界無量差別。如多界修多羅說。由界差別故。應知三乘種性有差別。 庚二、信差別 由信差別者。眾生有種種信可得。或有因力起。或有緣力起。能於三	子二、名字分位別² 丑一、釋名字 又此種性亦名種子、亦名為界、亦名為性。 丑二、釋分位 又此種性未習成果，說名為細，未有果故。已習成果，說名為麤，與果俱故。

乘隨信一乘非信一切。若無性差別則亦無信差別。 庚三、行差別 由行差別者。眾生行行或有能進或有不能進。若無性差別則亦無行差別。 庚四、果差別 由果差別者。眾生菩提有下中上。子果相似故。若無性差別則亦無果差別。 由此四差別。是故應知。種性有體。已說種性有體。	
己二、最勝四次說種性最勝。偈曰。 明淨及普攝 大義亦無盡 由善有四勝 種性得第一 釋曰。菩薩種性由四種因緣。得為最勝。 庚一、善根明淨 一由善根明淨。 庚二、善根普攝 二由善根普攝。 庚三、善根大義 三由善根大義。 庚四、善根無盡 四由善根無盡。 何以故。非諸聲聞等善根如是明淨故。非一切人善根攝力無畏等故。 餘人善根無他利故。 餘人善根涅槃時盡故。 菩薩善根不爾。由此為因。種性最勝。已說種性最勝。	子三、自他勝劣別² 丑一、由種性² 寅一、標自最勝 若諸菩薩成就種性，尚過一切聲聞、獨覺，何況其餘一切有情。當知種性無上最勝。 寅二、釋其所以³ 卯一、徵 何以故？ 卯二、釋 略有二種淨，一、煩惱障淨，二、所知障淨。一切聲聞、獨覺種性，唯能當證煩惱障淨，不能當證所知障淨；菩薩種性，亦能當證煩惱障淨，亦能當證所知障淨。 卯三、結 是故說言望彼一切無上最勝。
	丑二、由四事² 寅一、標列四勝 復由四事，當知菩薩勝於一切聲聞、獨覺。何等為四？一者、根勝，二者、行勝，三者、善巧勝，四者、果勝。 寅二、校量勝劣⁴ 卯一、校量根 言根勝者，謂諸菩薩本性利根，獨覺中根，聲聞軟根，是名根勝。
	卯二、校量行 言行勝者，謂諸菩薩亦能自利，亦能利他，利益安樂無量眾生，哀愍世間，令諸天人獲得勝義利益安樂；聲聞、獨覺唯行自利；是名行勝。
	卯三、校量善巧 善巧勝者，聲聞、獨覺於蘊、界、處、緣起、處

	非處中能修善巧；菩薩於此及於其餘一切明處能修善巧；是名善巧勝。 《披》聲聞獨覺至是名善巧勝者：聲聞、獨覺能修善巧，唯內明處少分所攝。菩薩不爾，於五明處能修善巧，是故殊勝。 卯四、校量果 言果勝者，聲聞能證聲聞菩提，獨覺能證獨覺菩提，菩薩能證阿耨多羅三藐三菩提，是名果勝。
己四、相貌四次說種性相貌。偈曰。 大悲及大信 大忍及大行 若有如此相 是名菩薩性 釋曰。菩薩種性有四種相貌。 庚一、大悲為相 哀愍一切苦眾生故。 庚二、大信為相 愛樂一切大乘法故。 庚三、大忍為相 能耐一切難行行故。 庚四、大行為相 遍行諸波羅蜜自性善根故。已說種性相貌。 己八、金譬四次說種性金譬。偈曰。 譬如勝金性 出生有四種 諸善及諸智 諸淨諸通故 釋曰。勝金性者所出有四義。 一者極多。二者光明。三者無垢。四者調柔。菩薩種性亦爾。 庚一、極多 一者為無量善根依止。 庚二、光明 二者為無量智慧依止。 庚三、無垢 三者為一切煩惱障智障得清淨依止。 庚四、調柔 者為一切神通變化依止。 已說種性金性譬。	子四、白法相應別；丑一、標列六相 又諸菩薩有六波羅蜜多種性相。由此相故，令他了知真是菩薩。調施波羅蜜多種性相，戒、忍、精進、靜慮、慧波羅蜜多種性相。 丑二、釋其差別 寅一、施種性相 卯一、徵云何菩薩施波羅蜜多種性相？ 卯二、釋 辰一、由意樂 巳一、惠捨攝 調諸菩薩本性樂施，於諸現有堪所施物，恆常無間性能於他平等分布，心喜施與，意無追悔。 《披》本性樂施至意無追悔者：施品中說：又諸菩薩，施前意悅，施時心淨，施後無悔。（陵本三十九卷九頁 3203）如其所應配釋應知。又復此中，性能於他平等分布者，調諸菩薩行布施時，普於一切有情之類起平等心，住福田想，而行惠施。終不分別怨親中庸、有德有失、劣等勝品、有苦有樂品類差別。 施物雖少，而能均布；惠施廣大，而非狹小。 《披》施物雖少至而非狹小者：施品中說：又不狹劣而行惠施。調財雖少，尚廣心施，何況財多。（陵本三十九卷八頁 3201） 無所惠施，深懷慚恥。常好為他讚施勸施，見能施者心懷喜悅。 巳二、供養攝 於諸尊重、耆宿、福田、應供養者，從座而起，恭敬奉施。 辰二、由正行 巳一、法施攝 於其彼彼此世他世有情無罪利益事中，若請不請，如理為說。

	《披》於其彼彼此世他世等者：戒品中說：謂於樂行惡行有情，為欲令斷諸惡行故，以相應文句、助伴、隨順、清亮、有用、相稱、應順、常委分資糧法而為宣說。乃至廣說於佛聖教懷憎嫉者，為欲令彼得清淨信，證清淨見，超諸惡趣，盡一切結，越一切苦；應知亦爾。（陵本四十卷九頁3284）由是當知，諸所說事，隨其所應，能令有情此世他世安樂，是名彼彼此世他世有情無罪利益事。若他求請、或不求請，以相應文句等而為宣說，是名如理為說。
	巳二、無畏施攝 若諸有情怖於王賊及水火等，施以無畏，能於種種常極怖中，隨力濟拔。
	巳三、財施攝 2 午一、不誑罔他 受他寄物，未嘗差違。若負他債，終不抵誑。於共財所，亦無欺罔。於其種種末尼、珍珠、琉璃、螺貝、璧玉、珊瑚、金銀等寶資生具中心迷倒者，能正開悟。尚不令他欺罔於彼，況當自為。
	午二、不樂畜積 其性好樂廣大財位，於彼一切廣大資財心好受用；樂大事業，非狹小門。於諸世間酒色、博戲、歌舞、倡妓種種變現耽著事中，速疾厭捨，深生慚愧。得大財寶，尚不貪著，何況小利。
	卯三、結 如是等類，當知名為菩薩施波羅蜜多種性相。
	寅二、戒種性相 3 卯一、徵 云何菩薩戒波羅蜜多種性相？ 卯二、釋 2 辰一、由意樂 3 巳一、律儀戒攝 謂諸菩薩，本性成就軟品不善身語意業，不極暴惡，於諸有情不極損惱。 《披》本性成就軟品不善身語意業等者：謂以軟品貪瞋癡為因緣故所起諸業，是名軟品不善身語意業。於諸眾生無殺害心，是名不極暴惡。成就不害，不好以惡身語損惱於他，是名不極損惱。 雖作惡業，速疾能悔，常行恥愧，不生歡喜。

	《披》不生歡喜者：有尋有伺地業顛倒中，說有喜樂顛倒。調如有一，不善業道現前行時，如遊戲法，極為喜樂。（陵本九卷五頁 651）與此相違，當知是名不生歡喜。 不以刀杖手塊等事惱害有情；於諸眾生，性常慈愛。
	已二、攝善戒攝³ 午一、敬事尊長 於所應敬，時起奉迎，合掌問訊，現前禮拜。 午二、修和敬業 修和敬業，所作機捷，非為愚鈍，善順他心。 《披》修和敬業等者：攝事分說：調有苾芻作是思惟：攝取捷慧、愛樂修福同梵行者以為助伴，所有僧事及其餘事皆令彼作，我獨蕭然自得而住。（陵本一百卷七頁 7490）當知是人，於同梵行非愛、非敬，不作應作。今此不爾。所作機捷，成就六種可樂、可愛、可重、無違諍法，與諸有智同梵行者共住一處，常令歡喜，是名善順他心。
	午三、成就賢善 常先含笑，舒顏平視，遠離鬻蹙，先言問訊。 《披》常先含笑等者：此顯為性賢善應知。隨世儀轉慰問有情，或問安隱吉祥，或問諸界調適，是名先言問訊。
	已三、饒益戒攝⁵ 午一、了知恩報 於恩有情，知恩知報。於來求者常行質直，不以諂誑而推謝之。 《披》於來求者常行質直等者：調諸菩薩，於已有恩諸有情所，善知恩故，若等若增現前酬報，隨能隨力，如法令其意望滿足。雖無力能，彼若求請，即於彼彼所作事業示現殷重精勤營務，終不頓止彼所希求，云何令彼知我無力，非無欲樂。如真實義品中說。（陵本三十六卷十四頁 2965）此所說義，準彼應釋。
	午二、如法求財 如法求財，不以非法，不以卒暴。《披》如法求財等者：調與如理作意相應，以法及不凶險追求財物，不以非法及凶險。如有尋有伺地說應知。（陵本五卷十五頁 380）

	午三、樂修福業 性常喜樂修諸福業。《披》性常喜樂修諸福業者：調施、戒、修三福業事應知。 於他修福尚能獎助，況不自為。
	午四、愍苦知畏 若見若聞他所受苦，所謂殺縛、割截、捶打、訶毀、迫脅，於是等苦過於自受，重於法受及重後世。於少罪中尚深見怖，何況多罪。
	《披》過於自受重於法受者：謂若見聞他所受苦，過於自所受苦，重於現所領受彼法苦故。
	午五、助伴作業 2 未一、簡擇所作 2 申一、於如法事 於他種種所應作事，所謂商、農、放牧、事王、書印、算數、善和諍訟、追求財寶、守護儲積、方便出息，及以捨施、婚姻、集會。於是一切如法事中，悉與同事。
	申二、於非法事 於他種種鬥訟諍競，或餘所有互相惱害，能令自他無義無利，受諸苦惱。如是一切非法事中，不與同事。
	未二、加行所作 2 申一、制止 善能制止所不應作。調十種惡不善業道。 申二、成辦 不違他命，善順於他，同忍同戒。於他事業隨彼所欲，廢己所作而為成辦。
	辰二、由正行 2 巳一、意相應善 其心溫潤、其心純淨，恚心、害心不久相續，隨生隨捨，起賢善心。 巳二、語相應善 尊重實語，不誑惑他，不離他親，亦不好樂，不輕爾說無義無利不相應語。言常柔軟，無有麤獷；於己僮僕尚無苦言，況於他所。敬愛有德，如實讚彼。
	卯三、結 如是等類，當知名為菩薩戒波羅蜜多種性相。
	寅三、忍種性相 3 卯一、徵 云何菩薩忍波羅蜜多種性相？

	卯二、釋 調諸菩薩，性於他所遭不饒益，無恚害心，亦不反報。若他諫謝，速能納受，終不結恨，不久懷怨。 卯三、結 如是等類，當知名為菩薩忍波羅蜜多種性相。
	寅四、精進種性相 3 卯一、徵 云何菩薩精進波羅蜜多種性相？ 卯二、釋 5 辰一、被甲精進攝 調諸菩薩，性自翹勤，夙興晚寐，不深耽樂睡眠倚樂。
	辰二、方便精進攝 於所作事勇決樂為，不生懈怠，思擇方便，要令究竟。 《披》於所作事者：調為成熟自佛法故，及為成熟他有情故，諸有所作，名所作事應知。 凡所施為一切事業，堅固決定；若未皆作、未皆究竟，終不中間懈廢退屈。
	辰三、不下精進攝 於諸廣大第一義中，心無怯弱，不自輕憊，發勇猛心：我今有力能證於彼。《披》於諸廣大第一義中者：此說無上大菩提果，名廣大第一義應知。
	辰四、無動精進攝 或入大眾，或與他人共相擊論，或餘種種難行事業，皆無畏憚。《披》或餘種種難行事業者：如下說有難行施、戒，乃至難行利行，其事應知。
	辰五、無喜足精進攝 能引義利大事務中，尚無深倦，何況小事。 《披》能引義利大事務中者：此說能作有情一切義利諸菩薩行，名大事務。
	卯三、結 如是等類，當知名為菩薩精進波羅蜜多種性相。
	寅五、靜慮種性相 3 卯一、徵 云何菩薩靜慮波羅蜜多種性相？ 卯二、釋 4 辰一、愛樂遠離 2 巳一、處所遠離 調諸菩薩，性於法義能審思惟，無多散亂。

	《披》性於法義能審思惟等者：謂於諸法正審思慮，及於所緣繫念寂靜，性有堪能故。
	若見若聞阿練若處、山巖、林藪、邊際臥具人不狎習離惡眾生，隨順宴默。《披》若見若聞阿練若處等者：謂若見聞人不狎習離惡眾生居遠離處，謂阿練若、山巖、林藪、邊際臥具。此遠離處順修遠離，是名隨順宴默。宴謂宴坐，默謂於彼心一境性修瑜伽行。
	便生是念：是處安樂，出離、遠離。常於出離及遠離所深生愛慕。 《披》是處安樂出離遠離者：自他利品中說：正信捨家，趣於非家，解脫樊籠居家迫迮種種大苦，名出離樂。斷除諸欲惡不善法，證初靜慮離生喜樂，名遠離樂。（陵本三十五卷二十頁 2894）其義應知。
	巳二、煩惱遠離 性薄煩惱，諸蓋輕微，羸重羸弱。至遠離處，思量自義，心不極為諸惡尋思之所纏擾。 《披》思量自義者：謂三摩地所行境界，說名自義，是自內心所起相故。
	辰二、慈愍眾生 2 巳一、慈俱行 於其怨品，尚能速疾安住慈心，況於親品及中庸品。 巳二、悲俱行 若見若聞有苦眾生，為種種苦之所逼惱，起大悲心，於彼眾生隨能隨力方便拔濟，令離眾苦。於諸眾生，性自樂施利益安樂。
	辰三、安忍眾苦 親屬衰亡、喪失財寶、殺縛禁閉及驅擯等諸苦難中，悉能安忍。
	辰四、成就念力 其性聰敏，於法能受、能持、能思；成就念力，於久所作、所說事中，能自記憶，亦令他憶。 《披》於法能受能持能思等者：此顯於法聞思所集成念，能正修習瑜伽作意，是故說言成就念力。
	卯三、結 如是等類，當知名為菩薩靜慮波羅蜜多種性相。

	寅六、慧種性相 3 卯一、徵 云何菩薩慧波羅蜜多種性相？ 卯二、釋 調諸菩薩成俱生慧，能入一切明處境界。 《披》調諸菩薩成俱生慧等者：宿習資糧所集成慧，名俱生慧。此能悟入一切所知，普緣一切五明處轉。一、內明處，二、因明處，三、醫方明處，四、聲明處，五、工業明處。當知即是菩薩一切慧之自性。如慧品說。（陵本四十三卷五頁3492）此應準知。 性不頑鈍、性不微昧、性不愚癡。 《披》性不頑鈍等者：性是利根，名不頑鈍。能證所知障淨，名不微昧。能達諸法無我，名不愚癡。 遍於彼彼離放逸處有力思擇。 《披》遍於彼彼離放逸處等者：調生貴家，財寶具足，於諸妙欲耽著受用，名放逸處。思求出離，能見過患，是名有力思擇。 卯三、結 如是等類，當知名為菩薩慧波羅蜜多種性相。
己九、寶譬四次說種性寶性譬。偈曰。 譬如妙寶性 四種成就因 大果及大智 大定大義故 釋曰。妙寶性者四種成就依止。一者真成就依止。二者色成就依止。三者形成就依止。四者量成就依止。菩薩種性亦爾。 庚一、真成就依止 一者為大菩提因。 庚二、色成就依止 二者為大智因。 庚三、形成就依止 三者為大定因。定者由心住故。 庚四、量成就依止 四者為大義因。成就無邊眾生故。 已廣分別性位。	丑三、結成勝因 應知是名能比菩薩種性羶相。決定實義，唯佛世尊究竟現見。由諸菩薩所有種性，性與如是功德相應，成就賢善諸白淨法。 《披》性與如是功德相應等者：調菩薩種與六波羅蜜多功德相應，本性應爾、自性應爾、法性應爾，此即顯示決定實義。成就身心澄淨諸賢善行，及與施等諸白淨法，此即顯示種性羶相。 是故能與難得最勝不可思議無動無上如來果位為證得因，應正道理，餘不應理。 《披》難得最勝至餘不應理者：如來果位，要經三無量劫長時積集資糧，方能證得，是名難得。超過一切聲聞、獨覺，是名最勝。由五種相及二因緣，當知說名不可思議。由五種相不可思議者，一、由自性故；二、由處故；三、由住故；四、

	由一性異性故；五、由成所作故。由二因緣不可思議者，調離言說義故，及過語言道故，不可思議。又出世間故，無有世間能為譬喻，是故不可思議。義如決擇分說。（陵本七十四卷九頁 5701） 摧伏一切外道異論，不為外道異論之所摧伏，是名無動。於所知障得清淨故，是名無上。此唯菩薩種性堪能證得，是故說彼為證得因。所餘聲聞、獨覺種性無此堪能，為證得因不應道理。
	子五、有染無染別 2 丑一、無染位 種性菩薩，乃至未為白法相違四隨煩惱若具不具之所染汙，性與如是白法相應。
己七、功德四次說種性功德。偈曰。 功德亦四種 雖墮於惡道 遲入復速出 苦薄及悲深 釋曰。菩薩種性。雖有如前過失。若墮惡道應知於中復有四種功德。 庚一、遲入 不數墮故。 庚二、速出 不久住故。 庚三、苦薄 逼惱輕故。 庚四、悲深 哀愍眾生亦成就故。已說種性功德。	丑二、有染位 2 寅一、染果 3 卯一、標差別 若被染汙，如是白法皆不顯現，或於一時生諸惡趣。菩薩雖生諸惡趣中，由種性力，應知與餘生惡趣者有大差別。 卯二、釋彼相 謂彼菩薩久處生死，或時時間生諸惡趣，雖暫生彼，速能解脫； 雖在惡趣，而不受於猛利苦受，如餘有情生惡趣者；雖觸微苦，而能發生增上厭離，於生惡趣受苦有情，深起悲心。 卯三、結所由 如是等事，皆由種性佛大悲因之所熏發，是故當知，種性菩薩雖生惡趣，然與其餘生惡趣者有大差別。
己六、過失四次說種性過失。偈曰。 應知菩薩性 略說有四失 習惑與惡友 貧窮屬他故 釋曰。菩薩種性過失。略說有四種。 庚一、習惑 功德不行煩惱多行故。	寅二、染因 2 卯一、徵 何等名為種性菩薩白法相違四隨煩惱？ 卯二、釋 4 辰一、第一隨煩惱 謂放逸者，由先串習諸煩惱故，性成猛利、長時煩惱，是名第一隨煩惱性。
庚二、惡友 離善知識狎弊人故。	辰二、第二隨煩惱 又愚癡者、不善巧者，依附惡友，是名第二隨煩惱性。 《披》是名第二隨煩惱性者：此中煩惱，謂諸惡見應知。由諸外道起如是見，立如是論：無有施與，廣說乃至我自了知無諸後有。隨彼惡見，起邪解行故。

庚四、屬他 繫屬於人不自在故。已說種性過失。	辰三、第三隨煩惱 又為尊長、夫主、王賊及怨敵等所拘逼者，不得自在，其心迷亂，是名第三隨煩惱性。 《披》是名第三隨煩惱性者：此中煩惱，謂即散亂。意地決擇中說：由散亂所作，意根損壞故。 (陵本五十四卷二十一頁 4380)
庚三、貧窮 所須眾具皆乏少故。	辰四、第四隨煩惱 又資生具有匱乏者，顧戀身命，是名第四隨煩惱性。 《披》是名第四隨煩惱性者：此中煩惱，謂即拘礙。五拘礙中，說有顧戀其身故。由此能障證出世法，故名拘礙。如有尋有伺地說。(陵本八卷七頁 574)
己五、品類四次說種性品類。偈曰。 決定及不定 不退或退墮 遇緣如次第 品類有四種 釋曰。菩薩種性品類。略說有四種。 一者決定。二者不定。三者不退。四者退墮。如其次第。 庚一、決定 決定者遇緣不退。 庚二、不定 不定者遇緣退墮。 庚三、不退 庚四、退墮 已說種性品類。	子六、有障無障別 2 丑一、有障位 4 寅一、標 又諸菩薩雖具種性，由四因緣，不能速證阿耨多羅三藐三菩提。 寅二、徵 何等為四？ 寅三、釋 4 卯一、第一因緣 謂諸菩薩，先未值遇諸佛菩薩真善知識，為說菩提無顛倒道。如是名為第一因緣。
	卯二、第二因緣 又諸菩薩，雖遇善友為說正道，而顛倒執，於諸菩薩正所學中顛倒修學。如是名為第二因緣。
	卯三、第三因緣 又諸菩薩，雖遇善友為說正道，於諸菩薩正所學中無倒修學，而於加行方便慢緩、懈怠、懶惰，不成勇猛、熾然精進。如是名為第三因緣。
	卯四、第四因緣 又諸菩薩，雖遇善友為說正道，於諸菩薩正所學中無倒修學，亦於加行勇猛精進，然諸善根猶未成熟，菩提資糧未得圓滿，未於長時積習所有菩提分法。如是名為第四因緣。
	寅四、結 如是菩薩雖有種性，因緣闕故，不能速證無上菩提。 丑二、無障位 2 寅一、顯自種性

丁二、分別無性位二 次分別無性位。偈曰。 一向行惡行 普斷諸白法 無有解脫分 善少亦無因 釋曰。無般涅槃法者。是無性位。此略有二種。一者時邊般涅槃法。二者畢竟無涅槃法。戊一、時般涅槃法者四時邊般涅槃法者有四種人。 己一、一向行惡行一者一向行惡行。 己二、普斷諸善法二者普斷諸善法。 己三、無解脫分善根三者無解脫分善根。 己四、善根不具足四者善根不具足。 戊二、畢竟無涅槃法 畢竟無涅槃法者無因故。彼無般涅槃性。此謂但求生死不樂涅槃人。已說無性。	若具因緣，便能速證。 寅二、簡無種性 若無種性補特伽羅，雖有一切，一切一切種，當知決定不證菩提。 《披》雖有一切一切一切種等者：此中初一切言，謂即前說四種因緣。次一切言，調無種性一切有情。後一切言，調無種性有情生於諸界趣中，有多種類差別可得，名一切種。由是假說無種性補特伽羅，縱具一切因緣，然彼一切有情，於彼彼一切種類，當知決定不證菩提。緣起經說：云何為生？調彼彼有情，於彼彼有情類諸生、等生，乃至廣說。今此一切一切種，準彼應釋。
丁三、攝義二次說令入。偈曰。 廣演深大法 令信令極忍 究竟大菩提 二知二性勝 戊一、令入四釋曰。廣演深大法者。為利他故。 己一、令得大信謂無智者。令得大信。 己二、令得極忍已大信者令成就極忍能行不退。己三、成就無上菩提已極忍者令究竟成就無上菩提。 己四、功德殊勝二知者。謂諸凡夫及諸聲聞。若得如是彼諸二人。則知自性性德圓滿性最為殊勝。 戊一、歎功德殊勝四問云何勝。偈曰。 增長菩提樹 生樂及滅苦 自他利為果 此勝如吉根 己一、增長功德釋曰。如是種性能增長極廣功德大菩提樹。 己二、得大樂能得大樂。 己三、滅大苦能滅大苦。 己四、得自他利樂能得自他利樂以為大果。	

是故此性最為第一。譬如吉祥樹根。菩薩種性亦爾。種性品究竟。	
-------------------------------	--